



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

2. Hodie à nobis &c. Bulla ad Vienensem, Lugdunensem, & Gebennensem
Officiales, quâ eis jubetur, ut executioni mandent, quæ in Bulla eodem die
scriptâ continentur: Data ad Confirmationem Decreti in ...

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

quibuscunque censuris, & pœnis Ecclesiasticis, ipsis Ecclesiis, & locis in genere vel in specie, & sub quibusvis verborum formis & clausulis, etiam Derogatorium Derogatoriis concessis, & concedendis impoſterum, quibus omnibus, etiamſi de illis, eorumque totis tenoribus pro illorum ſufficienti derogatione ſpecialis, ſpecifica, expreſſa, individua, ac de verbo ad verbum, non autem per clauſulas generales id importantes, mentio ſeu quævis alia expreſſio habenda foret, tenores hujusmodi pro ſufficienter expreſſis habentes, hac vice duntaxat, ſpecialiter, & expreſſe derogamus, cæterisque contrariis quibuscunque.

Verum quia difficile foret præſentes litteras ad ſingula quæque loca, in quibus expediens fuerit, deferri, volumus, & præſata auctoritate decernimus, quod illarum tranſumptis, manu publici Notarii inde rogari ſubſcriptione, & ſigillo alicujus perſonæ in Eccleſiaſtica dignitate conſtitutæ, ſeu Curie Eccleſiaſticae munitis, ea proſus Fides adhibeatur, quæ præſentibus adhiberetur, ſi eſſent exhibitæ vel oſtenſæ.

Nulli ergo omnino hominum liceat hanc paginam Noſtrorum Statuti, Ordinationis, Derogationis, Voluntatis, & Decreti infringere, vel ei uſu temerario contraire: Si quis autem hoc attemptare præſumpſerit, indignationem Omnipotentis Dei, ac Beatorum Petri & Pauli Apoſtolorum ejus ſe noverit incurſurum.

Datum Romæ apud Sanctum Petrum, Anno Incarnationis Dominicæ milleſimo quingentefimo quarto, tertio decimo Kalendas Junii, Pontificatus Noſtri anno primo.

Sigismundus
D. de Comitibus.

II.
ExArchiv.
Reipubl.
Genevenſ.

Bulla ad Viennensem, Lugdunensem, & Gebennensem Officiales, quæ eis jubetur, ut executioni mandent, quæ in Bulla eodem die ſcripta continentur: Data ad Confirmationem Decreti in Conventu generali Civium Gebennensium editi; ita ut uti poſſint pecuniis, quas variæ Fraternalitates ad cultum ſupra neceſſaria poſſident ad præbenda Stipendia Noſocomio peſte laborantium aliquot abhinc annis ædificato in plano Palatio ſuburbiorum Civitatis Gebennensis: anno 1505.

JULIUS EPISCOPUS.

Servus Servorum Dei, dilectis Filiis Viennensi, & Lugdunensi, ac Gebennensi Officialibus Salutem & Apoſtolicam Benedictionem.

Hodie à nobis emanarunt litteræ tenoris ſubſequentis: Julius Episcopus, Servus ſervorum Dei, ad perpetuum rei memoriam. Illis quæ pro infirmorum & aliarum miſerabilium perſonarum pia ſubventione, & ne alii Chriſti Fideles, ex contagioſa conjunctione eorundem infirmorum, inſciantur, proinde facta dicuntur, libenter, cum à Nobis petitur, adjicimus Apoſtolicæ muniminis firmitatem. Sanè pro parte dilectorum filiorum Communitatis Civitatis Gebennensis, Nobis nuper exhibitæ petitio continebat.

Quod cum ipſi Communitas quoddam Hoſpitale à paucis annis citra in plano Palatii ſuburbiorum civitatis prædictæ, pro infirmis peſtiferis recipiendis, conſtrui & ædificari feciſſet, & ad illud morbo peſtiferi infecti conſurgentes ſeu declinantes viſitarentur, & vitæ alimenta, ac alia neceſſaria ſuſciperent. Communitas præſati, ſeu eorum Sindici, & alii cives dictæ civitatis, totam Communitatam reſpicientes, conſiderantes intolerabiles expenſas, pro præmiſſis neceſſariis ex facultatibus ſeu fructibus dicti Hoſpitals ſupportari non poſſe, cum illius facultates ſive fructus admodum exigui, imo quali nulli ſint, niſi prout per Chriſti Fideles, pro hujusmodi oneribus ſupportandis in Eleemoſinam erogatur, cupientes que tam pio & neceſſario ac chari-

tativo operi ſubventionis ipſarum perſonarum morbo peſtifero infectarum ſalubriter provideri. **H**abito ſuper hoc generali Concilio, ubi dilecti filii Priores & Confratres Confratriarum civitatis prædictæ interfuerunt, concorditer ſtatuerunt & ordinaverunt, quod pro oneribus prædictis ſupportandis omnes pecuniæ in quibuscunque Confratriis dictæ civitatis, & penes Confratres dictarum Confratriarum exiſtentes, ultra onera in eiſdem Confratriis ſupportari ſolita, & ipſis oneribus in ipſis Confratriis prius ſupportatis & deductis, ad opus dicti Hoſpitals peſtiferi pro oneribus prædictis erogarentur, hujusmodique ſtatutum & ordinationem ſeu deliberationem Venerabilis Frater Noſter Aymo, Episcopus Lauſannensis, & Eccleſiæ Gebennensis in ſpiritualibus & temporalibus per Sedem Apoſtolicam Adminiſtrator deputatus, ordinaria auctoritate approbavit & confirmavit, ac mandavit ejus Officialibus in ſpiritualibus & temporalibus, mediatis & immediatis, ipſorumque loca tenentibus, ſub pœna excommunicationis, & centum Librarum Gebennensium, pro quolibet eorum, quatenus præmiſſa attenderent, & obſervarent, & in nullo contravenirent, omnesque & ſingulos Priores & Rectores quarumcunque Confratriarum, cujuſcunque ſtatus vel conditionis forent, Eccleſiaſticos vel Sæculares cogere & compellerent, cenſuris & aliis modis fortioribus ad reddendum quolibet anno computum, & legitimam cautionem prædictis Sindiciſ, ſeu Deputatis ab eis, de geſtis & adminiſtratis per eos, occasione præmiſſorum & prædictarum Confratriarum, & reliqua ſupportatis oneribus eiſdem Confratriis incumbentibus, dictis Sindiciſ ſeu Deputatis ab eis traderent & ſolverent, quibuscunque oppoſitionibus rejectis, prout in inſtrumento ſuper deliberatione præmiſſorum per dictum Concilium generale habito, ac litteris Episcopi & Adminiſtratoris, ſuper confirmatione & Approbatione prædictis habitis, dicitur plenius contineri.

Cum autem, ſicut eadem petitio ſubjungebat, præmiſſa cedant non ſolum ad piam & miſerabilem ſubventionem dictorum peſte pro tempore infectorum in dicto Hoſpitali recipendorum, ſed etiam ut bona dictarum Confratriarum bene & laudabiliter diſpenſentur, & ex illorum laudabili diſpenſatione etiam prædictis peſtiferis ſubveniatur. Pro parte earundem Communitatis Nobis fuit humiliter ſupplicatum, ut Statuto & Ordinationi, nec non Approbationi, Confirmationi & Mandato prædictis, pro illorum ſubſiſtentia firmiori, robur Apoſtolicæ Confirmationis adjicere, aliasque in præmiſſis opportune providere, de Benignitate Apoſtolica digneremur.

Nos igitur qui ſingulorum pauperum miſerabiliumque perſonarum indigentis piæ ſubveni ſinceris deſideramus affectibus, Communitatem præſatos ipſiusque Communitatis ſingulares perſonas à quibusvis Excommunicationis, Suspensionis & Interdicti, aliisque Eccleſiaſticis Sententiis & Pœnis, à jure vel ab homine quavis occasione, vel cauſa latis, ſi quibus quomodolibet innodati exiſtunt, ad effectum præſentium duntaxat conſequendum, harum ſerie abſolventes & abſolutos fore cenſentes, hujusmodi ſupplicationibus inclinati, Statutum & Ordinationem, nec non Approbationem, Confirmationem & Mandatum prædicta, ac prout illa conſcernunt omnia & ſingula in Inſtrumento & litteris prædictis contenta, Auctoritate Apoſtolica tenore præſentium approbamus & confirmamus; ſupplentes omnes & ſingulos defectus, ſi qui forſan inter- venerint in eiſdem. Et nihilominus pro potiori cautela præmiſſa omnia de novo eadem Auctoritate Apoſtolica ſtatuiſmus & ordinamus, ac perpetuis futuris temporibus, modis & formis in Inſtrumento & litteris prædictis contentis, obſervari debere decernimus & mandamus, non obſtantibus Conſtitutionibus & Ordinationibus Apoſtolicis, ac dictæ Civitatis, juramento, Confirmatione Apoſtolica, vel quavis firmitate alia roboratis, Statutis & Conſuetudinibus cæterisque contrariis quibuscunque.

Nulli

Nulli ergo omnino hominum liceat hanc paginam nostre absolutionis, approbationis, confirmationis, suppletionis, statuti, ordinationis, decreti & mandati infringere, vel ei ausu temerario contraire. Si quis autem hoc attemptare presumpserit, indignationem omnipotentis Dei ac beatorum Petri & Pauli Apostolorum ejus se noverit incursurum.

Datum Romae apud Sanctum Petrum, Anno Incarnationis Dominicae Millesimo Quingentesimo quinto, Pridie Cal. Martii, Pontificatus nostri anno tertio.

Quocirca discretioni vestrae per Apostolica scripta mandamus, quatenus vos vel duo aut unus vestrum per vos vel alium seu alios, litteras praedictas & in illis contenta quaecunque, ubi & quando opus fuerit, ac quoties pro parte Communitatis praefatorum desuper fueritis requisiti, solemniter publicantes, ac eis in praemissis efficacis defensionis praesidio assistentes, faciatis auctoritate vestra statutum & ordinationem praedicta firmiter observari, ac eosdem Communitatem pacifica possessione vel quasi statutorum, ordinationum, approbationum, confirmationum, suppletionis, decreti & mandati praedictorum, juxta dictarum litterarum continentiam, gaudere, non permittentes Communitatem praefatos per Priores & Rectores praedictos seu quoscunque alios contra earundem litterarum tenorem quomodolibet indebite molestari, contradicere per censuram Ecclesiasticam appellatione postposita compescendo, non obstantibus omnibus quae in dictis litteris nolumus non ob stare, seu si Prioribus & Rectoribus praefatis vel quibusvis aliis communiter vel divisim ab Apostolica sic sede indultum, quod interdicti, suspendi vel excommunicari non possint per litteras Apostolicas, non facientes plenam & expressam ac de verbo ad verbum de indulto hujusmodi mentionem.

Datum Romae apud Sanctum Petrum, Anno Incarnationis Dominicae, Millesimo Quingentesimo quinto, Pridie Cal. Martii, Pontificatus nostri anno tertio.

D. de Comitibus.

III.
Ex Archiv. Reipub. Genev.

Ad Viennensem, Lugdunensem & Gebennensem Officiales, ut conficiatur Inventarium, & Sequestrarium bonorum defunctorum, quorum haereditas beneficio Inventarii assumitur: anno 1505.

JULIUS EPISCOPUS.

Servus Servorum Dei, dilectis Filiis Viennensi & Lugdunensi ac Gebennensi Officialibus salutem & Apostolicam benedictionem.

Hodie a nobis emanarunt litterae tenoris subsecquentis. Julius Episcopus Servus Servorum Dei, ad perpetuam rei memoriam. Ea quae pro singulorum Christi fidelium indemnitate providenda facta statuta & ordinata dicuntur, ne impugnationi subiaceant, libenter cum a nobis petitur Apostolico munimine roboramus, & alias in his nostris pastoralis officii parte favorabiliter impartimur, prout in Domino conspiciamus salubriter expedire.

Sane pro parte dilectorum Filiorum Communitatis & Syndicorum Civitatis Gebennensis nobis nuper exhibita petitio continebat, quod exposito alias per tunc Syndicos dictae Civitatis, etiam tunc Vicario in Spiritualibus generali Venerabilis Fratris nostri Aymonis Episcopi Laufannensis & Ecclesiae Gebennensis in Spiritualibus & Temporalibus Administratores per Sedem Apostolicam deputati, quod alias & moderno temporibus plerique Mercatores Burgenfes & diversorum statuum Incolae & habitatores dictae Civitatis Territorii & Jurisdictionis Episcopalis Gebennensis, dum viverent, diversis suis Creditoribus obnoxii, licet plura bona mobilia

& immobilia debita & credita possiderent, unde suis commode satisfacere possent creditoribus, tamen cum postmodum decessissent, Successores in eorum bonis per longa tempora bona hujusmodi contractaverant, primo illa occultaverant & dissipaverant, & volentes suos Creditores defraudare se heredes dictorum defunctorum cum beneficio legis & Inventarii appellabant seu constituebant, & bonis praedictis pro parte dissipatis de eis tale quale iuramentum faciebant citatis prius creditoribus dicentes, decreto Juris infra quadraginta dies a morte sui Antecessoris haereditatem ipsam si ipsi Creditores vellent acceptare, & aliquando post lapsum quadraginta dierum se ad pristina tempora restitui petebant, & alias discussionem bonorum in tantum differebant, quod bona ipsa & illorum fructus sibi interim appropriabant, & alia tunc expressa faciebant in grave ipsorum defunctorum praedictorum, & aliquando ad miserabile beneficium cessionis bonorum admitti fraudulenter petebant, pauca ex bonis suis manifestantes & alia retinentes, in simile grave praedictorum defunctorum creditorum & etiam republicae. Idem Vicarius habita prius cum Syndicis & Concilio Episcopali dictae Civitatis deliberatione matura, ut praemissis fraudibus obviaretur, dictorum Syndicorum Supplicationibus in ea parte inclinatus ordinaria auctoritate perpetuo statuit, quod defunctis aliquibus tam in Civitate praedicta & ejus Suburbis, quam aliis Territoriis Episcopali Jurisdictioni Gebennensi tam mediate quam immediate subjectis Ecclesiasticis vel Secularibus, cujuscunque Status, gradus vel conditionis forent, si aliqui eorum Successores & in eorum haereditatibus & bonis pretendere volentes illorum haereditatem cum beneficio legis & Inventarii adire, & si illorum haeredes ita appellari voluerint, illico aut saltem infra tres dies, & antequam aliqua ex bonis dictorum defunctorum contractare seu de illis quomodolibet immiscere deberent, de ipsis bonis legale & decens Inventarium in manibus Justitiae conficere, etiam si Testator prohibuerit, & bona ipsa omnia ipsius defuncti sine fraude distribuere tenerentur, & ipsis inventario & descriptione factis bona ipsa omnia ipsius defuncti mobilia & immobilia debita & credita quaecunque, in manibus duorum proborum idoneorum similis defuncti conditionis Status & facultatis per ipsum Vicarium seu Judicem & Vicarios loci talis defuncti vocatis Syndicis & Procuratoribus dictae Civitatis & aliorum locorum Episcopatus eorum quibus fiet discussio eligendorum, sub ipsis descriptione & Inventario remitti & reponi deberent, qui bona ipsa ac fructus & emolumenta eorum pro dictis Creditoribus conservarent, donec & quousque bona ipsa fuerint discussa, & ipsis sic electis pro eorum labore de dictis bonis satisfieri deberet, & si secus factum fuerit, decrevit & declaravit eosdem tales contractatores pro veris haereditibus ipsorum defunctorum appellari & contra eos tanquam veros haeredes per dictos Creditores agi, ac mandavit praemissa omnia per singulos Judices & Officiales in Temporalibus & Spiritualibus sub poena excommunicationis observari, quae omnia postmodum dictus Aymo Episcopus & Administrator sua ordinaria auctoritate approbavit, & confirmavit, prout in litteris Vicarii & Administratoris praedictorum desuper confectis & eorum Sigillis munitis dicitur plenius contineri. Quare pro parte Communitatis & Syndicorum praedictorum nobis fuit humiliter supplicatum, ut statuto, decreto, declarationi, mandato & approbationi ac confirmationi praedictis pro illorum subsistentia firmiori robor Apostolicae confirmationis adjicere, ac alias in praemissis opportune providere de benignitate Apostolica dignaremur.

Nos igitur qui singulorum indemnitate, quantum cum Deo possumus, libenter consulimus, Communitatem & Syndicos praefatos ipsius Communitatis singulares personas a quibusvis excommunicationis, suspensionis & interdicti, aliisque Eccle-

fasticis